

In solchem Fall/wann man nicht darff abweichen/
 muß man sich zum theil der gantzen / vnd zum theil der
 Halben Bollwerck behelffen/ daß ist/ man muß auff
 stumpffe Eck/vnd wo lange Seiten seind/gantze Bollwerck an-
 legen/wo aber gar kurtze Seiten seind / muß man sich der Hal-
 ben Bollwerck behelffen/vnd wie man sonst auff's beste kan/ die
 Flangirung machen / derenthalben kömpt es / daß auch die
 Winckel der Bollwerck hier müssen kleiner genommen wer-
 den als sonst/nemlich/von 85. 80. 70. 75. auch die Corinen,
 Facien, Espanten, bald jetz länger/ bald was kurtzer. Dieser Ca-
 sus wird practicirt wann umb ein Orth schon ein Waal were/
 vnd Bollwerck solten daran gestossen werden/also daß man den
 alten Waal hie vnd dort zu hülff neme.

CAPUT. 13.

Von Fortificirung eines Orts so am Wasser gelegen.

Mer so am Wasser gelegen seind zweyerley/dann
 Entweder ist dz Wasser also beschaffen/daß es bißweilen
 abströmet / oder abgelassen werden kan / darzu so
 schmal/daß die Vestung von dem Feind wol zubeschissen / als
 von 200. 300. Schuhen/oder ist tieff vnd breit/das von der an-
 dern Seiten nicht zubefürchten/auch nicht kan verführet wer-
 den.

Im ersten Fall ist's rathsam/daß man etliche Bollwerck
 auch vber das Wasser hienüber bawe / daß also dz Wasser ein-
 geschlossen/

Dis